

MASC. axillares, in cymis fastigiatis dispositi. *Pedunculi communes* axillares, erecti, 2-3, filiformes, unciales, pubescentes: *partiales* dichotomi, racemosi, erecti, fastigiati, cymosi, pilosi, lineæ longitudine. *Bracteolæ* lineares. *Flores* minimi.

CAL. *Perianthium* tetraphyllum, patens, planum: foliis subrotundis, obtusis.

COR. monopetala, membranacea, plano-concava, orbiculata, integerrima, calyce minor, indivisa.

STAM. *Filamentum* unicum, e centro floris progrediens, $\frac{1}{2}$ lin. circ. longitudine, filiforme, erectum, obtusum, truncatum. *Antheræ* quatuor, oblongæ, transversæ, margini apicis Filamenti impositæ, sessiles.

FL. FEMIN. in racemis spicatis, simplicibus, solitariis, binis & ternis ex singula axilla. *Pedunculus* communis spicæ filiformis, erectus, simplex, Bracteolis ovalibus sessilibus, alternis, sparsis vestitus. Floribus 3. 6. 8. ex ala singulæ bracteolæ, *peduncula* brevi, lineari elevatis, erectis.

CAL. *Perianthium* monophyllum, ad unum latus (exterius in ramulo florum) oblongo-subrotundum, unilaterale, persistens.

COR. *Petalum* unicum, subrotundum, calyce dimidio brevius, ad idem latus cum calyce flexum.

STAM. nulla.

PIST. *Germen* subrotundum-oblongum. *Styli* erecti, capillares, parvi; *Stigmata* simplicia, crassiuscula.

Fructus subrotundo-ovalis, leviter compressus, subtomentosus.

SEM. unicum.

Flores lutescenti-virides.

151. MELAMPODIUM australe syngenesiæ Polygamia necessariæ, seminibus quinque oblongis, hispidis; calyce pentaphyllo, caule decumbente.

Radix, perennis, fibrosa.

Caules spithamales, procumbentes, undique diffusi, teretes, sub pubescentes; ramis oppositis, decumbentibus, apicè adscendentibus.

Folia